



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Directorivm Inqvisitorvm F. Nicolai Eymerici Ordinis Prædicatorum

Nicolaus <Eymericus>

Venetiis, 1607

Petri Olerij & F. Bonanati haeretici.

**urn:nbn:de:hbz:466:1-13589**

QUESTIO XI.

De hæresibus damnatis ab Inquisitoribus Aragoniæ sine expresso mandato Papæ.

S Y M M A R I U M.

- 1 Arnaldus de Villanoua medicus celebris.
- 2 Arnaldi de Villanoua errores quamplures.
- 3 Petrus Olerij, & Bonanatus hæretici in Hispania.
- 4 Durandus de Baldach Gerunden. combustus.
- 5 Bonanatus princeps Begardorum impenitens, & relapsus.
- 6 Jacobus Justus Begardus immuratus.
- 7 Exhumata hæreticorum cadavera, & ipsi post mortem condemnati.
- 8 Berengarij Monachi Cisterciens. error.
- 9 Nicolai de Calabria hæreses.
- 10 Bartholomæus Ianouesius hæresiarcha.
- 11 Arnaldus Montanerij hæreticus contumax.

**N**decima questio est: hæreses, & errores, & temeritates, & falsitates cõdennatæ in prædictis partib. Cataloniæ & Aragoniæ per Inquisitores hæreticæ prauitatis auctoritate Apostolica, licet nõ de expresso mandato domini nostri Patri Papæ super illis in speciali factõ; qui sunt?

**1** Ad hæc respondemus, quod tempore domini Papæ Clementis V. fuit in partib. illis quidam magnus medicus, vocatus magister Arnaldus de Villanoua: qui condidit multos libellos, in quibus erant quamplures infertæ, & multum periculose hæreses, & errores: quæ Tarraconẽ fuerunt condemnatæ per fratrem Ioanem de longerio ordinis Fratrum Prædicatorum; & per dominum Gaufredum de Crudillis præpositum in Ecclesia Tarraconen. Vicariumque in eadem, sede vacante: & hoc anno domini MCCCXVII. Errores autem, & hæreses a prædictis (vt prædicitur) condemnatæ cum magno cõsilio Theologorum istæ erant.

**Errores Arnaldi de Villanoua.**

- 2 Primus error: quod natura humana a Deo assumpta est æqualis Deo in omnibus bonis suis, & quod tam alta sit humanitas in Christo, quantum deitas, & tantum possit.
- Secundus error: quod quã cito anima Christi fuit vnita diuinitati, statim ipsa anima sciuit omnia, quæ deitas scit: quia aliàs (vt dicebat) non fuisset cum ea una persona, præcipue quia scire est circumstantia pertinet ad suppositum indiuiduale, & non ad naturam.
- Tertius error: quod Diabolus ingeniosè fecit totum populum Christianum deuiare à veritate Domini nostri Iesu Christi, sicque suxit, & euauit populum Christianum, quod nõ dimisit in eo, nisi pellem idest, apparentiam cultus ecclesiastici, quem fecit ex vlu; & fides quam habet,

**A** est talis, qualis est fides dæmontum. Et quod totus populus Christianus ducitur in infernum. Et quod Christiani per singulos status palam vita, & moribus, & affectibus ipsum abnegauerunt, & quod in toto corpore Christi collegij vsq; ad verticem a planta pedis, non solum viuunt, sed regnat, & imperat talis apostasia.

Ioan. 10.

Quartus error est: quod omnes claustrales sunt extra charitatem, & damnantur, & quod omnes religiosi falsificant doctrinam Christi.

**B** Quintus error est: quod malè fecerunt Doctores Theologi, qui aliquid de philosophia posuerunt in suis operibus: studiũ philosophiæ, & philosophiam totaliter condemnando.

Sextus error: quod reuelatio facta Cyrillo, est pretiosior cunctis scripturis sacris.

Septimus error: quod opus misericordiæ plus placet Deo, quàm sacrificium altaris.

Octauus error est: quod stabiliens capellanas, vel faciens celebrari Missas post mortem, non facit opus charitatis, nec ex hoc meretur vitã eternã.

**C** Nonus error, quod qui in vita sua scit multum dinem indigentium, & maximè amicorum Dei, & congregat, & retinet superflua ad stabilendũ capellanas, & ad perpetuandũ Missas post mortem, quod certum est, quod talis cadit in eternam condemnationem.

Decimus error: quod in sacrificio altaris sacerdos offerens, vel offerri faciens, nihil Deo de suo offert, neque etiam voluntatem.

Vndecimus error: quod in elemosyna magis repræsentatur passio Christi, quàm in sacrificio altaris.

Duodecimus error, quod in sacrificio Missæ non laudatur Deus opere, sed solum ore.

Tertius decimus error: quod in consultationibus Papalibus non est scientia nisi operum humanorum.

**D** Quartus decimus error: quod nunquam Deus cõminatus est eternam condemnationem peccantibus, sed malum exemplum præbentibus.

Quintus decimus error & falsitas est, quod anno ab Incarnatione Domini MCCCXXXV. esset mundi finis totaliter, & ex toto.

**Petrus Olerij, & frater Bonanatus hæretici.**

- 3 Item tempore domini Ioan. xxij. insurrexit in partibus antedictis in ciuitate Barchinon. quidam vocatus b Petrus Olerij de Maioricis oriundus, cū quibusdam complicibus suis, & presbytero quodam vocato fratre Bonanato: qui posuit multa de hæresibus, & erroribus Begardorum in scriptis, scilicet, de proprio, & communi: tandẽ Barchinon. per fratrem Bernardum de Podio Certoso Inquisitorem, cum Episcopo Barchinõ. fuerunt eorum hæreses, & errores condemnati, & ipsi traditi curiæ seculari, & combusti.

**Curandus de Baldach hæreticus**

- 4 Item tempore eiusdem domini Ioannis xxij. insurrexit in partibus illis in ciuitate Gerunden. quidam